

مجموعه آجودانیه

۱۸ نجی سنه

جزوه عدد : ۶۱

غره محرم ۱۳۱۵



مون روئه قاعده اساسيه سی

غزته لر من آمریقایه متعلق مسائل سیاسیه دن بحث ایتد کلری صرده ده - " مون روئه قانونی " حکمنجه بو مسئله نك حلی آمریقالیره عاندر ؛ ویا مون روئه قانونی اوروبالیرك بو مسئله یه مداخله سی منع ایدر کی - مههم فقره لر ایراد ایتمکده درلر . حالبوکه مون روئه کیملر ؟ قانونی نصل شیدر . باخصوص قانونمیدر ؟ قاعده میدر ؟ اصولمیدر ؟ نه وقت ، کیك طرفدن یابلسدر ؟ بورالینی اصلا خبر ویرمیورلر . احتمال که آنلرده بشقه غزته لر دن نقل صورتیه یاز ، رق نه اولدیفنی یلمیورلر . بو حالده منسوب اولدیفنی ملتی بر مسئله دن خبردار ایتك ایچون کنديسینی وظیفه دار بیلان مطبوعات او مسئله نك مستند اولدیفنی شیئی دخی ایضاح ایتمیدر ؛ والا وظیفه سی تمامیه ایفا ایتمش عد اولنه من .



جیمس مون روئه James Monroe آمریقا رجال سیاسیه سندن بر ذاتر که شمعی یه قدر مقام ریاسته گیلانلر ك بشنجیمی در . ۲ ایلول ۱۷۵۹ ده ویرجینیا ایالتنده طوغمشدر .

اون بش یاشنده حقوق تحصیلنه باشلامش ایکن ۱۷۷۴ ده سلك عسکری یه دخوله مجبور اولمش و مقلور اولدیفنی ذکا سایه سنده بر چوق شیلرده تمیز ایدر ك ۱۹ یاشنده ایکن میرآلای رتبه سی احراز ایلشدر . ۱۷۷۸ ده درت سنه قدر ترك ایتمش اولدیفنی حقوق درسنه رجعت ایچون

خدمت عسکریه نی ترک ایلش و ۱۷۸۲ ده ویرجینیا ایالتنک شوزای تشریعنه و ۱۷۸۳ و ۸۸ سنه لرنده قونغره و ۱۷۹۰ ده سناتو اعضالغنه انتخاب اولمرق (دموقرات) یعنی عوام ناس فرقه سنده بولمشددر .

۱۷۹۴ دن ۹۶ به قدر حکومت مجتمعه طرفدن بارسده سفیر و ۱۸۹۹ دن ۱۸۰۲ به قدر مسقط رأسی اولان ویرجینیا وایسی و ۱۸۰۳ ده ایکنجی دفعه پارس سفیری نصب اولمرق (لویزیانه) ایالتنک فرانسه طرفدن آمریقایه ترکی مذاکره سنده بولمشددر . متعاقباً لوندره سفارتنه مأمور اولمشددر .



مون روئه

۱۸۰۴ ده مادرید و ۱۸۰۶ ده تکرار لوندره سفارتنه . ۱۸۱۰ ده ایکنجی دفعه ویرجینیا وایلیکنه و ۱۸۱۱ ده مەدیزون Madison ریاستی زماننده هیئت وکلایه دخول ایله خارجیه نظارتنه تعیین ایدلمشددر .

۱۸۱۴ ده واشینگتون ، انگلیزله طرفدن ضبط اولندیغی زمان معلومات عسکریه سی حیثیتله حربیه نظارتنه انتقال و صلحه مباشرت هنکامنده خارجیه نظارتنه عودت ایتلمشددر .

۱۸۱۶ ده هیئت مجتمعه ریاستنه انتخاب

اولمرق. ۱۸۱۷ ده مأموریتنه باشلامش و ۱۸۲۰ ده دفعه ثانیه ده رئیس انتخاب اولمشددر .

آمریقا قوای حربیه سنک تکثیری ایچون فوق الغایه صرف مساعی ایلش ، باخصوص دونمایدده قوه بریه ایله متناسب بر رادیه ایصال ایدرک آمریقا تجارتنک توسیع و محافظه سیچون هند دگزلینه ، بحر سفیده ، آفریقا سواحله فیلور سوق ایتلمشددر . وفاتی ۱۸۳۱ ده در .

وطنه ایفا ایتدیکی خدمات جزیه سیله ملتک اولای نعی صرہ سنہ یکمیش
واشینغتونلر ، فرانکلنر کبی ابدی الاشهار اولغه حقیله احراز لیاقت ایتمشدر .
ابوالضیا توفیق



مون روۂ قاعده سی

۲ کانون اول ۱۸۲۳ ده اسپانیا مستعمراتی خالقنک اسپانیا دولته قارشو
عصیان ایله اعلان افتراق ایتدکلری زمان ، جیمس مون روۂ مقام ریاستدن
واشینغتون قونفره سنه ویردیکی تقریرده دیرکه : « واشینگتون قاینه سنک بولتیقه سی ،
اوروپا دولترلرندن هیچ برینک احوال داخله سنه مداخله ایتماک و بر قومک زمام
اداره سی اله آلمش اولان بر حکومتی ، حکومت مشروعه طامیق و آنکله مناسبات
دوستانه ده بولمقله برابر ، بومناسبات دوستانه بی خالصانه و سربستانه بر بولتیقه ایله
محافظه ایتک و بلا استتسا کافه دولک ادعای محقانه لرینه رعایت ایتک و فقط هیچ بر
طرفدن واقع اوله جق تحقیره اغماض ایلامکدن عبارتدر .

« شوقدر وارکه بر مسئله آمریقا خصوصاتنه تعلق ایدرسه ایشلرک رنکی
دخی بالطبع دیکشور . زیرا ، اگر اوروپا دولتلری مقصد سیاسیلرینی آمریقانک
کرنک شمال و کرنک جنوبنده ترویج ایتک استرلرسه بوده آنجق هیئت مجتمعه نک
سعادت و حضورنی اخلال ایله اوله بیلور . و هیئت مجتمعه نک هر نه صورتله اولورسه
اولسون بویله بر مداخله یه نظر بیقیدی ایله باققلغنه احتمال یوقدر . بناء علیه حکومت
مجمعه نک مسلکی ، حکومت سائر آمریقانک یکدیگریله اولان منازعاتنه بیقید بر
سیرچی معامله سی ایتک و فقط اوروپا دولتلرینک ده بو معامله نی تقلید ایتلرینی
امید ایتلکدر »

مون روۂ قاعده سنک قابل تطبیق قسمی شو صورتله خلاصه اوله بیلور :
(اوروپالیرک قطعات سائر علمده حاز اولدقلری مستعمراتده کی متخذ طرز-
اداره لرینی آمریقا قطعه سنده کی اقوام حقنده تطبیقه صلاحیتلری یوقدر . چونکه

بو اقوامك هر ٻري اوروپا اقوامي کي اسـ استقلال اداره لرينه و حاکيتـ لرينه هيچ بر طرفدن تعرض اولنماق حقني حازدرلر . اوروپا ليلرک اوتـ دنبري آمريقادـ حاز اولدقلى مستعمرات ايله مؤخرآ تشکل ايتـش حکومتـ مستقلـه پيننده حدوث ايدن مسائل حدوديه آنـحق حقوق بين الامم قواعد عموميه سنـه تطبيقاً حل وفصل اولـه . بيلور . من القديم بر قطعـ اراضـي بي برنجي دفعـه اولـه رق احراز و يا کشف ايدنلرک حاز اولدقلى حق تملکـي بونـدن بويلـه آمريقا قطعـه سنـده تطبيقـه امکان يوقدر . چونـکه بويلـه بر حق ، بعدما بر محاربه و يا خود بر معاهده نتيجه سي اولـه رق قزانيلـه .

بيلور . ۱

